



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU POLITIČKE ORGANIZACIJE GRAĐANA „SNAGA BOSNE“

Broj: 03-07-6-1554/09
Sarajevo, 09.12. 2009. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled finansijskih izvještaja Političke organizacije građana „Snaga Bosne“ za 2008. godinu i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Politička organizacija građana „Snaga Bosne“ nije ispoštovala odredbe člana 11. stav (3) Zakona o finansiranju političkih stranaka jer finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka.

Pregledom, odnosno kontrolom finansijskog izvještaja, osim gornje napomene nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) izvršila je pregled finansijskih izvještaja Političke organizacije građana „Snaga Bosne“ za 2008. godinu i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

U godišnjem finansijskom izvještaju za 2008. godinu Politička organizacija građana „Snaga Bosne“ je iskazala prihod u iznosu od 7.847,11 KM, što je iskazano u narednoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	
2	Prilozi fizičkih lica	3.510,00	44,73%
3	Prilozi pravnih lica	2.400,00	30,58%
4	Prihodi od imovine	2,11	0,03%
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	1.935,00	24,66%
	Ukupni prihodi:	7.847,11	100,00%

Prema podacima iz godišnjeg finansijskog izvještaja Politička organizacija građana „Snaga Bosne“ je ostvarila rashode u iznosu 5.460,23 KM.

2. PREDSTAVLJANJE POLITIČKE STRANKE

Naziv političke stranke: Politička organizacija građana „Snaga Bosne“. Skraćeni naziv stranke je „Snaga Bosne“.

Politička stranka je registrovana 2008. godine u Općinskom sudu u Sarajevu pod registarskim brojem 065-0-REG-08-000164 dana 04.02.2008. godine.

Sjedište političke stranke: Ilijaš, Sovrle br. 60.

Lice ovlašteno za zastupanje stranke je Nesib Mandžić, predsjednik stranke.

Lice ovlašteno za podnošenje finansijskih izvještaja je Mujo Fejzić.

U godišnjem finansijskom izvještaju za 2008. godinu je navedeno da Politička organizacija građana „Snaga Bosne“ nema organizacionih dijelova nižeg nivoa.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Političke organizacije građana „Snaga Bosne“ za 2008. godinu i finansijski izvještaj za period od dana podnošenja prijave za ovjeru za izbore do dana ovjere rezultata lokalnih izbora održanih u oktobru 2008. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je Politička organizacija građana „Snaga Bosne“ u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Političke organizacije građana „Snaga Bosne“ obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE KONTROLE I REVIZIJE

Kontrola finansijskih izvještaja Političke organizacije građana „Snaga Bosne“ se obavlja prvi put.

5. NALAZI I PREPORUKE

5.1. NALAZI

Politička organizacije građana „Snaga Bosne“ nije ispoštovala odredbe člana 11. stav (3) Zakona o finansiranju političkih stranaka.¹

U finansijskom izvještaju za 2008. godinu stranka nije iskazala troškove zakupnine poslovnog prostora u iznosu od 800,00 KM, što je suprotno odredbama člana 21. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06).

Kontrolom finansijske dokumentacije je utvrđeno da je Politička organizacija građana „Snaga Bosne“ 19.02.2008. godine sa fizičkim licem zaključila ugovor o zakupu poslovnih prostorija i da je istim ugovorena mjesečna zakupnina od 80,00 KM.

Takođe je utvrđeno da stranka u 2008. godini nije izmirila (platila) obavezu iz ugovora, a istu nije iskazala u finansijskom izvještaju, što nije u skladu sa članom 23. stav (1) tačka b) Pravilnika o godišnjim finansijskim izvještajima političkih stranaka

¹ Političke stranke su obavezne da Centralnoj izbornoj komisiji BiH podnesu finansijski izvještaj do 31.03. naredne godine u formi koju je odobrila Centralna izborna komisija BiH. Sadržaj i forma finansijskog izvještaja su propisani Pravilnikom o godišnjim finansijskim izvještajima političkih stranaka.

Troškovi predizborne kampanje

Politička organizacija građana „Snaga Bosne“ je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 5.086,23 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM² po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, Politička organizacija građana „Snaga Bosne“ je u svrhu izborne kampanje za Lokalne izbore 2008. godine mogla potrošiti 35.380,80 KM.

5.2. PREPORUKE

Preporučuje se Političkoj organizaciji građana „Snaga Bosne“ da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 11. stav (3) Zakona o finansiranju političkih stranaka, odnosno da finansijske izvještaje Centralnoj izbornoj komisiji Bosne i Hercegovine podnosi u formi propisanoj Pravilnikom o godišnjim finansijskim izvještajima političkih stranaka.*

Komentar

Politička organizacija građana „Snaga Bosne“ se nije očitovala na nalaze revizije i mišljenje ravizora dato u preliminarnom izvještaju o pregledu godišnjeg finansijskog izvještaja za 2008. godinu koji je stranci dostavljen 02.11.2009. godine.

Mr. Hasida Gušić, šef Službe za reviziju - revizor

² Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.